

САТЫЛАЙ КЕШЕНДІ ТАЛДАУ

технологиясы



5 - сынып, қазақ тілі

«САТЫЛАЙ КЕШЕНДІ ОҚЫТУ» ТЕХНОЛОГИЯСЫНА ТІРЕК БОЛАР ТЕОРИЯЛАР

1

«Әдіс – керекшіліктен шығатын нәрсе. Әдістің жақсы-жаман болмағы жұмсалатын орынның керек қылуына қарай. Мәселен, сауаттау әдісін алсақ, бір жұрттың сауаттау ісіне қолайлы болған әдіс екінші жұрттың да сауаттау ісіне қолайлы боларға тиіс деп айтуға болмайды. Екеуінің тілінің заңы, емлесінің жүйесі бірдей болса, біріне қолайлы болған әдіс екіншісіне де қолайлы болуы мүмкін. Егер де тілінің заңы, емлесінің немесе әрпінің жүйесі басқа болса, онда біріне жақсы болған сауаттау әдісі екіншісіне де жақсы болады деп ешкім айта алмайды»

Ахмет Байтұрсынұлы

2

Өмірдегі құбылыстарды, нәрселерді бір тақырыптың, бір пікірдің төңірегіне жинап, қосып, түйдектеп, біріктіріп оқытуды комплекс деп атайды. Одан да дәлдеп айтқанда: Өмірде шын жолығатын нәрселерді, құбылыстарды байланыстырып, ол құбылыстарды байланысқан, іліктескен, бір-біріне әсер еткен қалпында араларындағы қатынасын зерттеуді комплекс дейді. Комплексстің бірденбір мәнісі – «түйдек», «жуымық», «топ» деген сөздерге тура келеді. Ненің түйдегі, ненің жуымығы десеңіз, әр алуан нәрселердің түйдегі, жуымығы болу керек.

Жүсіпбек Аймауытов

3

«...Бәсекеге қабілетті технологиялар инновациялық экономиканың өзегі ретінде өздігінен пайда бола қалмайды. Бұл – ұзақ үрдіс, ғылыми зерттеулердің, күрделі де шығынды эксперименттердің және ақыр аяғында, ғалымдардың идеялық нұрлануының қиындықпен келетін жемісі. Сонымен бірге, егер технологияларды басқалардан алуға ғана сүйенетін болсақ, біз өзіміздің технологиялық артта қалушылығымызды сол күйінде тұмшалап, технологиялық және ғылыми тұрғыда дамыған елдерге тәуелділікте боламыз. Сондықтан бізге өз ғылымымызды дамыту керек»

Нұрсұлтан Назарбаев

ТЕХНОЛОГИЯ АВТОРЫ Н.А.ОРАЗАХЫНОВАНЫҢ ПІКІРІНШЕ:

«Сатылай кешенді оқыту» технологиясы – тек қана білімді белгілі бір көлемде беріп, қажетті шеберлік пен дағдыны қалыптастырумен ғана шектелмейтін, сонымен қатар баланың жалпы тұлғалық дамуына, ойлау, есте сақтау, қиялдау, елестету сияқты басқа да танымдық-психологиялық қасиеттерінің жақсы үйлесімді дамуына бағытталған оқытудың түрі»

«САТЫЛАЙ КЕШЕНДІ ОҚЫТУ» ТЕХНОЛОГИЯСЫНЫҢ ӘДІСТЕМЕСІ БАЙЛАНЫСТЫ:

- 1 Психология, педагогика ғылымдарының қағидалары
- 2 Алаш арыстарының білім беру, тәрбиелеу жөніндегі ой-тұжырымдары
- 3 Әр түрлі пәндердің теориялық негіздері

«Сатылай кешенді оқыту» технологиясының әдістері – білім алушының қажетті материалды жеке-жеке салаларға жіктемей, тұтас игеріп, толық қабылдауына мүмкіндік жасайды. Бұл тұрғыда автор **Ж.Аймауытовтың** комплексті оқыту жүйесіне жүгінетіндігін айтады.



«ОСКО» технологиясына байланысты сабақ жоспарын құрғанда сабақтың үш негізгі мақсатын анық та айқын көрсетуді басты назарда ұстаған дұрыс.

«ОСКО» технологиясының басты ұстанымы – **тәрбиелік ұстаным**. Дәстүрлі сабақтарда үш мақсаттың біріншісі – білімділік болса, «Сатылай кешенді оқыту» технологиясында тәрбиелік мақсат алдыңғы орынға шығарылған. Себебі, әл-Фараби бабамыз айтқандай: «Тәрбиесіз берілген білім – адамзаттың қас жауы» деген ұстанымы басты мақсаты. «Сатылай кешенді оқыту» технологиясында теориялық білім ғылыми тілде терең меңгертілумен қатар баланың мұғаліммен, өз бетінше орындайтын барлық тапсырмалары ұлттық құндылықтарға негізделген. Сол арқылы бала тәрбиемен қатар білім де алады.

САТЫЛАЙ КОМПЛЕКСТІ ТАЛДАУ ТЕХНОЛОГИЯСЫНЫҢ МАҚСАТЫ

1	Тілдік материалдарды оқушының жас ерекшелігін ескере отырып ғылыми негізде меңгерту;
2	Әр сөйлемнің, сөздің, дыбыстың табиғатын таныту арқылы сөзді таңдапталдап қолдана білуге дағдыландыру;
3	Қазақ тілінің сөз байлығын терең игерту арқылы, әр сөздің ішкі мағынасы мен қолданыстағы ерекшелігін, сөз сырына бойлату арқылы танымдық дүниесін қалыптастыру;
4	Кез келген шаршы топта өз ойын шешен де шебер жеткізе білуге машықтандыру. Сол арқылы әр оқушының өз ана тілінің құдіретін басқаларға таныта, бағалай білуге баулу.
5	Жазба жұмыстарын сауатты, жоғары деңгейде, шығармашылықпен орындай білуге төселдіру.
6	Өз ана тілінің грамматикалық ерекшелігін өзге тілді үйренуде тірек етіп алумен қатар, салыстыруға, ерекшелігін сауатты түрде ажырата білуге үйрету;
7	Қазақ тілі өзге пәндердің негізін түсініп, терең меңгеруге басты құрал екенін саналы түрде түсінуге бағыт-бағдар беру;
8	Түрлі шығармашылық жұмыстар жүргізу арқылы оқушыларды іскерлікке, тапқырлыққа баулу;
9	Талдаудың он деңгейін рет-ретімен жүргізе отырып, сатылай комплексті талдаудың түрлі амал-тәсілдерін меңгерту;
10	Компьютерлік талдау арқылы оқушылардың ақпараттық коммуникациялық сауаттылығын жетілдіру.

ПӘНДЕРДІ ОҚЫТУ БАРЫСЫНДА ОҚУШЫЛАРДЫҢ МАТЕРИАЛДЫ ЖЫЛДАМ, ОРТА, ТӨМЕНГІ ДЕҢГЕЙДЕ ҚАБЫЛДАУЫНА ҚАРАЙ ТАПСЫРМАНЫ ОН ДЕҢГЕЙГЕ ИКЕМДЕП, БАРЛЫҚ БАЛАНЫҢ ДАМУЫ ҮШІН ҚОЛАЙЛЫ ЖАҒДАЙ ТУҒЫЗЫЛАДЫ. ӘР ДЕҢГЕЙДІҢ ӨЗІНІҢ АЛДЫНА ҚОЙҒАН МАҚСАТТАРЫ БАР:

1

Жазылым башылыққа алынады. Бұл деңгейде мұғалімнің қызметі бірінші орында болады. Яғни, мұғалім жазылым әрекеті арқылы тірек сызбаларды басшылыққа алып, теориялық материалдың алғашқы нұсқасын толық жазып оқушылардың саналы түрде меңгеруіне ықпал етеді. Онда білім алушылар **біріншіден**, сауатты жазып, оқып, айтуға дағдыланады; **екіншіден**, материалды жүйелі түрде түсініп, ғылыми тілде баяндауға машықтанады.

Тыңдалымға ерекше мән беріледі. Екінші деңгейден бастап оқушының іс-әрекетіне басымдық беріледі. Мұғалім бағыттаушы, көмекші қызметін атқарады. Оқушыларда сынптастарының жауаптарын мұқият тыңдау, ондағы жіберілген қателіктерін дер кезінде аңғару, оны сауатты түрде түзету сияқты іс-әрекеттерге машықтанады. «ОСКО» технологиясында әр пәннің тірек сызбалары бойынша жүйелі, сауатты, ғылыми тілде баяндау талап етіледі. Бұл – аталмыш технологияның басты қағидаларының бірі.

2

3

Бұл деңгейдегі көзделген мақсат – оқушылардың ұқсас ұғымдарды жинақтау, айырмашылықтарын ажырата білу, жекеден жалпыға көшу әрекетін жүзеге асыра алу, ой ұшқырлығына баулу, танымдық дүниесінің баюына жол сілтеу.

Мақсат – оқушылардың алдыңғы игерген білім, білік, дағдыларын жинақтаумен қатар шартты белгілермен жұмыс жасаудың әдіс-тәсілдерін сауатты меңгеру және өз беттерінше жұмыс жасау барысында іскерлік дағдысы қалыптасады.

4

5

Мақсат: бұл деңгейде оқушылар талдау арқылы аңғарымпаздыққа, мұқият тыңдауға, ойын әрі жалғасытырып кетуге машықтанады. Талдау үлгілері көбінесе ауызша орындалады, мұндағы ісәрекет көбінесе ойын түрінде жүргізіледі

Жат жазу. Мақсат: Оқушылардың сатылай кешенді талдау арқылы меңгерген білімдерін жатқа жаздыру. Сол арқылы әр оқушының теориялық материалды қаншалықты тиянақты меңгергендігін анықтау, орфографиялық, пунктуациялық сауаттылық деңгейінің қаншалықты артқандығына көз жеткізу.

6

7

Уақытқа талдау. Уақытқа талдаудың басты қағидалары – әр сөйлемді, сөзді, дыбысты сауатты талдау, анық, айқын айтуға дағдыландыру. Егер алдыңғы деңгейлерде жұмыс тиянақты, ширақ, жігерлі жүргізілетін болса, бұл деңгейдегі талдау өз нәтижесін береді. Тез, әрі қатесіз талдап үйренген бала уақытқа талдау кезеңін қызыға орындайды.

Компьютерлік талдау. «ОСКО» технологиясымен білім алған әр оқушының компьютермен жұмыс жасау машықтығы қалыптасады. Компьютерді мақсатты түрде нағыз оқу құралына айналдырады. Мүмкіндігіне қарай екінші деңгейден бастап компьютерлік талдауды енгізе беруге болады. Бұл білім алушылардың ақпараттық құралдармен сауатты әрі жұмыс жасау машығын қалыптастырады.

8

9

Тест. Тест – оқушылардың білімін бақылау мен бағалаудың тиімді әдісі. Тест жұмысын ұйымдастыруда дидактикалық шарттар дұрыс орындалып отыру керек. Тестің түрлері көп, оны біздің технологиямыздың талаптарына сәйкес келетін түрін мұғалім өзі таңдайды.

Шығармашылық – бұл адамның өзін-өзі тануға ұмтылуы, ізденуі. Өмірде дұрыс жол табу үшін адам дұрыс ой түйіп, өздігінен дәлелді шешімдер қабылдай білуге үйренуі керек. Шығармашылық – адам бойындағы қабілеттерін дамытып, адамның рухани күшін нығайтып, өзін-өзі дамытуына көмектеседі.

10

«ОСКО» технологиясының негізгі әдістерінің бірі **ойын – әдіс**. Баланың даму үрдісінде ойын әрекетінің тәрбиелік маңызы зор. Ойын әрекетінде баланың денесі мен ақыл-ойы дамып, қоршаған ортаны тани біледі.

«ОСКО» технологиясының негізгі құралы – **тірек сызба**. Бұл сызбада бірнеше сатыдан тұратын алгоритм беріледі. Сол алгоритм арқылы «ОСКО» технологиясында мұғалімнің әр оқушымен жеке-жеке жұмыс жүргізуіне мүмкіндік туады, себебі мұғалім алғаш талдаудың үлгісін бірінші деңгей бойынша толық жазып береді (талдау үлгісін өзгертуге болмайды). Мұғалім ұсынған осы алгоритмді оқушылар басшылыққа алып, берілген сөйлемді, сөздерді жеке-жеке сабақ үстінде де, үй жұмысын орындау барысында да өз бетінше талдауға машықтанады.

«ОСКО» технологиясының қазіргі заманға лайықты тиімді оқу құралының бірі – **компьютер**. Тірек сызба арнайы компьютерлерге алдын ала жазылып қойылады. Оқушылар өздеріне берілген дыбыс, сөз, сөйлемдерді, тіл білімінің салалары бойынша талдау үшін көрсетілген сызбаны басшылыққа алып, талдау жұмысын компьютерде еркін жүргізе алады.

САТЫЛАЙ КЕШЕНДІ ТАЛДАУ: “ДАНАЛЫҚ” СӨЗІНЕ

БҮЛ СӨЗ БІР ҚҰРАМНАН ТҰР: ДАНАЛЫҚ

ТҮЛҒАСЫНА ҚАРАЙ – ДАНАЛЫҚ – ТУЫНДЫ СӨЗ.

ДАНА – ТҮБІР СӨЗ – СӨЗДІҢ ӘРІ ҚАРАЙ БӨЛШЕКТЕНБЕЙТІН МАҒЫНА БЕРЕТІН НЕГІЗГІ БӨЛІГІ

-ЛЫҚ – СЫН ЕСІМНЕН ЗАТ ЕСІМ ТУДЫРУШЫ ЖҰРНАҚ.

ҚҰРЛЫСЫНА ҚАРАЙ – ДАРА. СЕБЕБІ, БІР ҒАНА НЕГІЗГІ ТҮБІРДЕН ТҰР.

ДАНАЛЫҚ – НЕ? ДЕГЕН СҰРАҚҚА ЖАУАП БЕРЕДІ. БҮЛ – ЗАТ ЕСІМ.

МАҒЫНАСЫНА ҚАРАЙ:

ЖАЛПЫ

ЖАНСЫЗ

ДЕРЕКСІЗ

5Т МОДЕЛІ

Н.Оразахынова үлгісі негізінде туынды сөздерді сатылай кешенді талдаудың жаңа моделін ұсынамыз.

Саты	Талдау бағыты	Оқушы әрекеті	Нәтижесі
1	Сөзді тану	Берілген сөздің туынды екенін анықтайды, дәлел келтіреді	Туынды сөзді ажыратады
2	Құрылымдық талдау	Түбір мен жұрнақты табады	Сөз құрамын таниды
3	Сөзжасамдық талдау	Жасалу жолын түсіндіреді (қай сөз табынан және қай тәсілмен жасалған)	Сөзжасамдық білім қалыптасады
4	Мағыналық талдау	Түбір мен туынды мағынаны салыстырады	Семантикалық түсінігі дамиды
5	Түрлендіру	Бір түбірден бірнеше туынды сөз жасайды (сөзжасамдық ұя, тізбек немесе жұп)	Сөзжасамдық ұяны меңгереді
6	Қолдану	Сөйлемде қолданады	Тілдік қолданыс дағдысы дамиды

Ұсынылған жаңа үлгінің ерекшелігі оның жан-жақты талдау жасап, туынды сөзді тұлғалық, сөзжасамдық, семантикалық және функционалдық қырынан біртұтас жүйелі қарастыруында. Бұл үлгі оқушыға тек талдау жасауды ғана емес, сонымен қатар туынды сөзді тілдік қатысымда орынды қолдануды меңгертеді.

5Т МОДЕЛІНЕ МЫСАЛ

КӘДЕСЫЙ

1. КӘДЕСЫЙ СӨЗІ ЕКІ ТОЛЫҚ МАҒЫНАЛЫ ТҮБІР СӨЗДІҢ БІРІГҮІ АРҚЫЛЫ ЖАСАЛҒАН ТУЫНДЫ СӨЗ.

2. КӘДЕ + СЫЙ

ЕКІ ТҮБІРДЕН ЖАСАЛҒАН: БІРІНШІСІ- КӘДЕ (НЕГІЗГІ ТҮБІР), ЕКІНШІСІ- СЫЙ (НЕГІЗГІ ТҮБІР)

3. ЖАСАЛУ ТӘСІЛІ: КҮРДЕЛЕНДІРУ ТӘСІЛІ
СЕБЕБІ ЕКІ ТҮБІРДІҢ БІРІГҮІ АРҚЫЛЫ ЖАСАЛҒАН;
КӘДЕ-ЗАТ ЕСІМ, СЫЙ- ЗАТ ЕСІМ.

4. КӘДЕСЫЙ- БАЗАРЛЫҚ, ЕСТЕЛІК РЕТІНДЕ БЕРІЛЕТІН СЫЙЛЫҚ (ЗАТ ЕСІМ)

КӘДЕ- 1. СЫЙ, ТАРТУ; 2. ҚАЛЫПТАСҚАН САЛТ. КӘДЕҢЕ ЖАРАСЫН- ПАЙДАҒА АСУ; 3. АРНАЙЫЛАП ҚОНАҚҚА ТАРТЫЛАТЫН ЖІЛІК;

СЫЙ- ҚҰРМЕТ КӨРСЕТУ, СЫЙЛАУ НЕМЕСЕ ТАРТУ ЕТІЛЕТІН СЫЙЛЫҚ;

5. КӘДЕ—КӘДЕЛІ, КӘДЕЛЕ, КӘДЕЛЕУ, КӘДЕШІЛ, КӘДЕСІЗ, КӘДЕСЫЙ, КӘДЕСІЗДІК.

6. МАҒАН БЕРГЕН КӘДЕСЫЙЫ ОНЫ ӘРДАЙЫМ ЕСІМЕ САЛЫП ОТЫРАДЫ.



**ТАЛАП, ЕҢБЕК, ТЕРЕҢ ОЙ,
ҚАНАҒАТ, РАҚЫМ, ОЙЛАП ҚОЙ –
БЕС АСЫЛ ІС, КӨНСЕҢІЗ.**